

Ein anderer aber der sich in die lenge vnd breite gezogen hatt / nymmet ein grossen teil des orts ein / welchen ich pfleg ein geschützte oder stöck zünehen / dan es ist nichts anders / dan ein ort / das mitt etwas deren dingen / die auß der erden ghanwē / überschüttet wirt. Wie ich dan in den büchern von dem vrsprung vnd vrsachen deren dingen die vnder der erden seindt / gschriben hab. Es trege sich auch zum zeiten zū / wiewol sältē / das an einem ort vil hallen nuhzt einerley dings so auß der erden gehauwen / gfundenn werdenn / bey einem oder zweien lachtern hoch / vier oder fünff breit / vnder welchem einer von dem anderen bey zweien / dreyen oder mehr lachtern gelegen seindt / welche sich erstmalen / so man im graben zū ihnenn kompt / wie ein blatt erzeigend / darnach sich weiter auff thunt / zūletst wirt auß allen solcherley hallen / offft ein geschützte oder stöck.

Der Berg A. B. C. D. Ein geschützte oder stöck. E. F. G. H. I. K.



Das ort aber das zwüschē zweien gängen das mittlest ist / wirt genandt ein Keilberg / vnd dise weite / wan sie zwischen den schwäbenden gängen ist / so wirt sie ganz in die erdt verborgen / so sie aber zwüschē den gängen ist / so in die tieffe fahllend / so syhett mann sein ober teil vor augenn / das überig aber ligt gar verborgen.

Ein